



FACULTATIVO/A ESPECIALISTA DE ÁREA

Requisitos de Titulación:

Título universitario oficial de grao ou de licenciado/a ou doutor/a en medicina e Cirurxía e título de médico/a especialista expedido polo Ministerio de Educación, Cultura e Deporte, na área da especialidade á que opta a persoa aspirante (*).

().-No caso de titulacións obtidas no estranxeiro, deberán posuír o documento que acredite fidedignamente a súa homologación ou a credencial de recoñecemento do título para efectos profesionais ao abeiro do disposto no Real decreto 1837/2008, do 8 de novembro, polo que se incorpora ao ordenamento xurídico español a Directiva comunitaria 2005/36/CE e o Real decreto 459/2010, do 16 de abril.*

BAREMO APLICABLE ÁS LISTAS SOMETIDAS AOS CRITERIOS DO PACTO DE SELECCIÓN DE PERSOAL ESTATUTARIO TEMPORAL LICENCIADO SANITARIO DE ATENCIÓN HOSPITALARIA.

1.1.- VALORACIÓN DA PUNTUACIÓN DA MAIOR NOTA (EXCLUÍDA A DE COÑECEMENTOS DE LÍNGUA GALEGA), ENTRE AS DÚAS ÚLTIMAS OPOSICIÓN CONVOCADAS E RESOLTAS POLO SERGAS PARA A ESPECIALIDADE: PUNTUACIÓN MÁXIMA ACADABLE¹ .- 22,000 PUNTOS.

1.1.1.- Valorarase a suma das cualificacións obtidas pola persoa aspirante en cada un dos dous primeiros exercicios da fase de oposición, aplicándose a maior das cualificacións globais, de entre as dúas últimas OPE convocadas e resoltas polo Servizo Galego de Saúde na especialidade á que opta.

Aos efectos de outorgar a puntuación desta epígrafe, e tendo en conta que a cualificación máxima acadable no proceso selectivo (OPE) é de 55,000 puntos, se lle aplicará á maior das cualificacións obtidas en OPE, un coeficiente de proporcionalidade que facilite a equivalencia da anterior coa puntuación máxima acadable nas listaxes de contratación (22,000 puntos).

¹ Non se valorarán os procesos selectivos anteriores á OPE 2006. Se na data límite para a xeneración de listas, tan só finalizara a fase de oposición dun proceso selectivo, as cualificacións a valorar serán, única e exclusivamente, as deste.

Daquela, a puntuación aplicada en listas se obterá segundo a seguinte expresión:

Cualificación global obtida en OPE
2,5

1.1.2.- Para as persoas aspirantes que participasen no proceso selectivo (OPE) pola Quenda de Promoción Interna, se lle valorará a maior cualificación obtida pola persoa aspirante no primeiro exercicio da fase de oposición, de entre as dúas últimas OPE convocadas e resoltas polo Servizo Galego de Saúde na especialidade á que opta.

Aos efectos de outorgar a puntuación desta epígrafe, e tendo en conta que a cualificación máxima acadable no proceso selectivo (OPE) é de 50,000 puntos, se lle aplicará á maior das cualificacións obtidas en OPE, un coeficiente de proporcionalidade que facilite a equivalencia da anterior coa puntuación máxima acadable nas listaxes de contratación (20,000 puntos).

Daquela, a puntuación aplicada en listas se obterá segundo a agregación dos dous sumandos seguintes:

a) Primeiro.-

Cualificación global obtida en OPE
2,5

b) Segundo.-

Un módulo fixo de 2,000 puntos, habida conta que estes aspirantes estiveron exentos de realizar o exercicio correspondente á parte común do programa.

1.2.- VALORACIÓN DO COÑECEMENTO DA LÍNGUA GALEGA: PUNTUACIÓN MÁXIMA ACADABLE.- 2,000 PUNTOS.

Valorarase a puntuación obtida neste exercicio correspondente á oposición que lle outorgue á/ao aspirante a maior cualificación, segundo os termos fixados nos parágrafos 1.1.1 e 1.1.2 anteriores.

Aos efectos de outorgar a puntuación desta epígrafe, e tendo en conta que a cualificación máxima acadable no proceso selectivo (OPE) é de 5,000 puntos, se lle aplicará á cualificación obtida en OPE, un coeficiente de proporcionalidade que facilite a equivalencia da anterior coa puntuación máxima acadable nas listaxes de contratación (2,000 puntos).

Daquela, a puntuación aplicada en listas se obterá segundo a seguinte expresión:

<u>Cualificación global obtida en OPE</u> 2,5
--

Con todo, os/as aspirantes que non obtivesen a puntuación máxima prevista na OPE para o devandito exercicio, así como aqueles que non participasen na mesma ou os que participando non realizasen a correspondente proba, outorgaráselles por este concepto un total de 2,000 puntos, sempre que se validara como mínimo, en *Expedient-e* a correspondente certificación oficial CELGA-4 ou equivalente (*Nivel de perfeccionamento de lingua galega*).

2.- VALORACIÓN DA FORMACIÓN ACREDITADA, EXPERIENCIA PROFESIONAL E INVESTIGACIÓN E INNOVACIÓN SANITARIA: PUNTUACIÓN MÁXIMA ACADABLE .- 40,000 PUNTOS.

2.1.- Formación: 35% da puntuación total deste subepígrafe (14,000 puntos).

2.1.1.- Formación Académica:

a) Estudos da correspondente licenciatura ou grao:

1.- Licenciatura/Grao:

Plan antigo:

- Por cada matrícula de honra: 0,50 puntos.
- Por cada sobresaliente: 0,25 punto.
- Por cada notable: 0,10 puntos.

Non se valorará o sobresaliente cando se obtivese matrícula de honra.

A suma das puntuacións dividirase polo número total de materias avaliadas no plan de estudos, expresando o cociente con dous decimais.

Non se valorarán as materias de idioma, relixión, formación política e educación física.

Plan novo:

A puntuación correspondente aos estudos de cada aspirante obterase mediante a aplicación do seguinte algoritmo:

$$0,10 C_n + 0,25 C_s + 0,50 C_{mh}$$

$$C_a + C_n + C_s + C_{mh}$$

As anotacións C_a , C_n , C_s e C_{mh} corresponden ao número total de créditos que na certificación académica estean adscritos a materias troncais e obrigatorias e nos cales, respectivamente, se obtiveron as cualificacións de aprobado, notable, sobresaliente e matrícula de honra. Non se puntuará o sobresaliente cando se obtivese matrícula de honra. Non serán valorados os créditos correspondentes a materias optativas ou de libre elección/configuración.

A puntuación resultante expresarase con dous decimais.

Non se valorarán as materias de idioma, relixión, formación política e educación física.

2.- Exame de grao: 0,50 puntos (con sobresaliente ou matrícula de honra 0,25 puntos máis).

3.- Premio extraordinario: 0,50 puntos.

b) Estudos de Posgrao.

b.1.- Pola realización de todos os cursos de doutoramento (sistema anterior ao Real Decreto 185/1985) ou pola realización do programa de doutoramento ata o nivel de suficiencia investigadora segundo os reais decretos 185/1985 e 778/1998, ou pola obtención do diploma de estudos avanzados (DEA): 1,5 puntos.

b.2.- Título de doutor/a no ámbito das ciencias da saúde: 5 puntos.

b.3.- Premio extraordinario de doutoramento no ámbito das ciencias da saúde: 0,5 puntos

b.4.- Máster universitario oficial, máster universitario -título propio, experto universitario, especialista universitario no ámbito das ciencias da saúde:

- En caso de estar computado en créditos ECTS:

Título oficial: 0,05 puntos/crédito

Título propio: 0,025 puntos/crédito

- En caso de estar computado só en horas:

Título oficial: 0,005 puntos/hora

Título propio: 0,0025 puntos/hora

A titulación de máster debe rexistrala o/a aspirante en Fides/expedient-e na epígrafe de formación continuada recibida/máster.

As alíneas b.1) e b.2) son excluíntes entre sí.

c) Docencia universitaria impartida no ámbito das ciencias da saúde: 0,5 puntos/curso académico, ata un máximo de 3 puntos.

2.1.2.- Formación Continuada:

a) Pola asistencia, debidamente xustificada, a actividades formativas acreditadas por algún dos órganos acreditadores que integran o sistema acreditador da formación continuada do Sistema Nacional de Saúde, polo Consello Europeo de Acreditación da Educación Médica Continuada (EACCME) ou a Asociación Médica Americana (AMA), impartidos por calquera entidade ou organismo público ou privado, sempre que teñan un contido relacionado coas funcións propias da especialidade e que estean dirixidos directamente á especialidade a que se opta.

b) Pola asistencia, debidamente xustificada, a cursos de formación e perfeccionamento convocados e impartidos pola Administración estatal, autonómica, universidades, Servizo Público de Emprego, Cruz Vermella, colexios profesionais, organizacións sindicais ou avalados polo Servizo Galego de Saúde ou por calquera organismo público, sempre que teñan un contido relacionado coas funcións propias da especialidade e que estean dirixidos directamente á especialidade a que se opta.

c) Pola asistencia, debidamente xustificada, a cursos de formación continuada realizados en aplicación dos acordos de formación continuada das administracións públicas, sempre que teñan un contido relacionado coas funcións propias da especialidade e que estean dirixidos directamente á especialidade á que se opta.

Valoración:

- Por crédito CFC: 0,05 puntos
- Por crédito EACCME/AMA PRA categoría 1: 0,007 puntos
- Por hora: 0,005 puntos

A puntuación que se outorgará aos/ás aspirantes que impartisen os anteditos cursos será de 0,020 puntos por hora de docencia impartida. Valorarase a formación impartida que teña un contido relacionado coas funcións propias da categoría á que se opta.

Para o caso de que o certificado indique os créditos e as horas de duración, a valoración

realizarse sempre polos créditos que figuren neste. Se a actividade formativa consta acreditada en créditos EACCME ou AMA PRA e créditos CFC, valorarase coa puntuación asignada a estes últimos.

Non se valorarán os cursos realizados durante o período de especialización que estean incluídos no programa docente da especialidade correspondente.

Os cursos de prevención de riscos, informática, xestión clínica, bioestatística e metodoloxía da investigación valoraranse en todas as especialidades e con independencia da data de obtención do título exixido para o acceso a estas, cunha puntuación máxima de 4 puntos.

Non serán obxecto de valoración os diplomas relativos á realización de xornadas, seminarios, simposios, talleres ou similares, agás que estean debidamente acreditados polos órganos acreditadores que forman o sistema acreditador da formación continuada do Sistema Nacional de Saúde.

2.1.3.- Formación Especializada:

a) Por ter completado o período como residente do programa MIR, FIR, QUIR, BIR, PIR ou RHIR segundo corresponda á especialidade á que se presente, en España ou país da Unión Europea ou ben ter completado o período de formación como residente nun centro estranxeiro cun programa recoñecido de docencia para posgraduados/as na especialidade á que se presente e co título validado polo Ministerio de Educación, Cultura e Deporte: 5 puntos.

b) Por ter obtido o título da especialidade á que se presente como consecuencia de acceder, con anterioridade á entrada en vigor do Real Decreto 127/1984, do 11 de xaneiro, a unha praza de especialista en formación, convocada por algunha das administracións públicas ou institucións sanitarias concertadas con estas e que acrediten ter realizado de xeito ininterrompido e baixo un mesmo réxime docente, os anos de formación establecidos para a correspondente especialidade, mediante nomeamento ou contrato de bolsa docente expedido pola devandita Administración que implique relación profesional retribuída periodicamente con cargo aos seus orzamentos: 5 puntos.

A puntuación dos apartados a) e b) son excluíntes entre si.

c) Por ter completado o período como residente do programa MIR, FIR, QUIR, BIR, PIR ou RHIR doutra especialidade distinta á que se presente (en España ou país da Unión Europea) ou ben ter completado o período de formación como residente nun centro estranxeiro cun programa recoñecido de docencia para posgraduados/as doutra especialidade distinta á que se presente e co título validado polo Ministerio de Educación, Cultura e Deporte: 2 puntos.

2.1.4.- Por impartir docencia de formación sanitaria especializada, ata un máximo de 3 puntos:

- Xefe de Estudos de Formación Sanitaria Especializada: 0,75 puntos/ano ou a parte proporcional.
- Titor: 0,50 puntos/ano ou a parte proporcional.
- Colaborador docente: 0,20 puntos/ano ou parte proporcional.

Aos efectos deste baremo, o colaborador docente é o profesional dos diferentes dispositivos dunha unidade docente por onde rotan os/as especialistas en formación que, sen ser titor, colabora de forma activa na súa formación, asumindo a orientación, a supervisión e o control das actividades que se realicen durante as rotacións.

2.2.- Experiencia: 55% da puntuación total deste subepígrafe (22,000 puntos).

- Por cada mes completo de servizos prestados na mesma categoría e especialidade, en virtude de nomeamento administrativo ou contrato laboral por conta e baixo a dependencia de institucións sanitarias do sistema sanitario público dun país da Unión Europea/Espazo Económico Europeo/Suiza: 0,20 puntos/mes.

- Por cada mes completo de servizos prestados na mesma categoría e especialidade, en virtude de nomeamento administrativo ou contrato laboral por conta e baixo a dependencia doutras Administracións Públicas de España ou dun país da Unión Europea/Espazo Económico Europeo/Suiza ou en programas de cooperación internacional debidamente autorizados ao servizo de organizacións de cooperación internacional: 0,10 puntos/mes.

- Por cada mes completo de servizos prestados na mesma categoría e especialidade por conta e baixo a dependencia de institucións sanitarias privadas concertadas e/ou acreditadas para a docencia de especialidades de ciencias da saúde de España ou dun país da Unión Europea/Espazo Económico Europeo/Suiza ou como persoal titulado superior investigador no ámbito das ciencias da saúde, en virtude de nomeamento ou contrato laboral pola conta e baixo a dependencia de institucións sanitarias públicas dun país da Unión Europea/Espazo Económico Europeo/Suiza: 0,07 puntos/mes.

- Por cada mes completo de servizos prestados noutra categoría/especialidade de persoal licenciado sanitario, en virtude de nomeamento administrativo ou contrato laboral por conta e baixo a dependencia de institucións sanitarias públicas dun país da Unión Europea/Espazo Económico Europeo/Suiza: 0,05 puntos/mes.

- Por cada mes completo de servizos prestados noutra categoría profesional distinta das previstas no punto anterior, en virtude de nomeamento administrativo ou contrato laboral por conta e baixo a dependencia de institucións sanitarias públicas dun país da Unión Europea/Espazo Económico Europeo/Suiza: 0,04 puntos/mes.

2.2.1.-Puntuación específica polo exercicio de dereitos de conciliación:

Polo exercicio de dereitos de conciliación nos cinco anos anteriores á data límite de cómputo de méritos da respectiva xeneración de listas, ata o máximo de 0,5 puntos:

- Licenza por maternidade: 0,2 puntos/licenza
- Permiso de paternidade: 0,2 puntos/permiso
- Redución de xornada por motivos familiares: 0,2 puntos. Para estes efectos, só se computará unha redución por ano.
- Excedencia por coidado de fillos e familiares: 0,02 puntos/mes.

A acreditación de cada unha destas circunstancias deberá efectuarse polo/a aspirante na forma prevista na respectiva convocatoria.

Normas xerais de valoración.-

Primeira.-

Os meses serán computados por días naturais.

Salvo para os nomeamentos de atención continuada ou gardas en atención extrahospitalaria, o cómputo dos servizos prestados efectuarase por meses. Para iso calcularase en cada apartado do baremo o número total de días e dividirase entre 30, de tal xeito que o que se valorará en cada punto será o cociente enteiro, despreciándose os decimais.

En ningún caso, a suma dos servizos prestados con distintos nomeamentos dentro do mesmo mes natural, poderá valorarse por enriba da puntuación establecida para o devandito período dun mes.

En ningún caso, un mesmo período de servizos prestados poderá ser obxecto de valoración en distintos apartados do baremo. De igual xeito, un mesmo período de tempo de servizos prestados non poderá ser obxecto de valoración en máis dunha categoría/especialidade, ou en varios servizos ou unidades, tanto do mesmo como de diferente centro.

Os servizos prestados con nomeamento de atención continuada ou gardas en urxencias extrahospitalarias, computaranse co criterio de equivalencia dun mes completo por cada 130 horas traballadas en devandito mes, ou a parte proporcional que corresponda á fracción. Se dentro dun mes natural se realizaron máis de 130 horas, soamente poderá valorarse un mes de servizos prestados, sen que o exceso de horas efectuado poida ser aplicado para o cómputo de servizos prestados noutro mes.

Segunda.-

A experiencia profesional valorarase a partir da data de superación do período formativo conducente á obtención do título da respectiva especialidade.

Os servizos prestados polos especialistas con título expedido por terceiros países, valoraranse desde a data de homologación ou recoñecemento do título da especialidade polo Ministerio de Educación, Cultura e Deporte.

A antigüidade como especialista de quen accedera ao título en virtude do Real Decreto 1497/1999, do 24 de setembro, valorará, segundo o disposto na Lei 62/2003, do 30 de decembro, de medidas fiscais, administrativas e da orde social, a totalidade do exercicio profesional efectivo do/da interesado/a dentro do campo propio e específico da especialidade, descontando de tal exercicio e no período inicial do mesmo o 170 por 100 do período de formación establecido para a dita especialidade en España. O indicado desconto non se producirá respecto de quen obtivera o título de especialista de acordo co previsto na disposición adicional terceira do Real Decreto 1497/1999.

Terceira.-

Os servizos prestados durante o período en que se disfrute dunha redución de xornada para o coidado de familiares, serán valorados como servizos prestados en réxime de xornada completa.

Os servizos prestados polo persoal especificamente nomeado a tempo parcial serán valorados coa conseguinte redución. Cando nun mesmo período, o/a interesado/a acredite distintos nomeamentos a tempo parcial, realizarase unha acumulación, sen que poida resultar, en ningún caso, unha xornada acumulada superior á xornada completa.

O período de formación para a obtención do título de especialista non poderá ser valorado, en ningún caso, como tempo de servizos prestados.

Os períodos de permiso sen soldo así como a permanencia en situación de servizos especiais, agás no suposto de acceder a praza de formación sanitaria especializada mediante residencia, valoraranse como tempo de servizos efectivamente prestados na categoría /especialidade para os efectos deste baremo.

Os servizos prestados noutra categoría en promoción interna temporal polo persoal estatutario fixo valoraranse como servizos temporais en dita categoría.

Os servizos prestados como especialistas de cota terán a mesma valoración que os prestados como facultativo especialista de área.

2.3.- Investigación e innovación sanitaria: 10% da puntuación total deste subepígrafe (4,000 puntos).

2.3.1.- Pola autoría de traballos científicos e de investigación no ámbito das ciencias da saúde, conforme os seguintes criterios e táboa de valoración:

a) Revistas científicas

As publicacións deben pertencer a revistas científicas indexadas no CSIC (ICYT, ISOC), IBECs, Pubmed, Web of Science (Wos), Embase e PsycINFO. Non serán obxecto de valoración as publicacións realizadas en revistas non indexadas nas bases de datos referidas.

- Os artigos científicos (orixinal, orixinal breve, revisión, revisión sistemática e meta-análise) ponderaranse da seguinte forma, conforme o seu factor de impacto do Journal Citation Reports (JCR), vixente na data límite de cómputo de méritos da respectiva xeneración de listas:

- Primeiro cuartil da especialidade: 0,40 puntos
- Segundo cuartil da especialidade: 0,25 puntos
- Terceiro e cuarto cuartil da especialidade: 0,15 puntos

- Revista indexada sen factor de impacto: 0,05 puntos
- Outro tipo de publicacións (editoriais, cartas ou artigos de opinión, técnicas e procedementos):
 - Primeiro cuartil da especialidade: 0,10 puntos
 - Segundo cuartil da especialidade: 0,05 puntos
 - Terceiro e cuarto cuartil da especialidade: 0,02 puntos

No suposto de que á revista se lle atribúan diferentes cuartiles en función da/s especialidade/s, asignarase sempre o cuartil máis alto.

Non serán obxecto de valoración as notas clínicas, resumos de comunicacións e casos clínicos.

b) Libros ou capítulos de libros

- Capítulo de libro: 0,10 puntos
- Libro completo: 0,30 puntos

Só terán a consideración de libro aquelas publicacións cun mínimo de 49 páxinas. Para a súa valoración, a publicación debe estar avalada por unha institución pública, académica, sociedade científica ou realizada por editoriais científicas de recoñecido prestixio.

Non se poderán valorar máis de tres capítulos dun mesmo libro.

Non terán a consideración de libro aínda que adopten esta forma de edición as actas de congreso.

Por non reunir a condición de traballo científico e de investigación non serán obxecto de valoración os libros/capítulos editados como glosario, anuario, manuais de preparación para o acceso á formación sanitaria especializada e ao emprego público, cursos de formación continuada, protocolos de servizo, libros de casos clínicos, sesións interhospitalarias e demais que así se aprecien polo respectivo órgano de selección.

Por ser obxecto de valoración tal mérito noutro apartado do baremo, non se lle asignará ningunha puntuación neste apartado ás publicacións de teses doutorais.

Non serán obxecto de valoración as autoedicións e/ou autopublicacións, entendendo por tales aquelas publicacións financiadas ou promovidas por algún dos seus autores ou nas que este figure como editor.

No suposto de libros de autoría colectiva, só será obxecto de valoración aquela publicación que, da documentación presentada pola/o aspirante quede suficientemente acreditada a participación concreta na mesma. Enténdese por autoría colectiva aquela publicación na que interveñen un mínimo de catro autores.

Os capítulos de libro en que participen catro ou máis autores non serán obxecto de valoración.

Normas comúns de valoración de libros e revistas:

- En ningún caso, un mesmo contido determinado e obxectivo publicado baixo diferentes formas e en diferentes publicacións poderá ser obxecto de máis dunha valoración.

- Non serán obxecto de valoración as publicacións de carácter divulgativo.

Aos efectos deste baremo, non terán a consideración de autor da publicación, o coordinador, director e outros colaboradores.

2.3.2.- Por cada premio de investigación outorgado a traballos de investigación orixinais publicados, premios a comunicacións en congresos científicos e premios de recoñecido prestixio a traxectorias científicas, outorgados por sociedades científicas, organismos oficiais ou entidades sen ánimo de lucro debidamente rexistradas entre cuxos fins se encontre a investigación, ata un máximo de 1 punto

- Premio de ámbito internacional: 0,20 puntos
- Premio de ámbito nacional: 0,10 puntos

2.3.3.- Participación en proxectos de investigación.

2.3.3.1.- Por cada participación en proxectos de investigación ou innovación financiados por organismos públicos:

- Como investigador principal:

- a) Proxectos internacionais.- 2 puntos.
- b) Proxectos nacionais.- 1 punto.
- c) Proxectos autonómicos.- 0,30 puntos.

- Como investigador colaborador:

- a) Proxectos internacionais.- 1 punto.
- b) Proxectos nacionais.- 0,30 puntos.
- c) Proxectos autonómicos.- 0,10 puntos.

2.3.3.2.- Por cada participación en proxectos de investigación ou innovación en convocatorias competitivas financiados por organismos privados nacionais ou internacionais:

- Como investigador principal.- 0,30 puntos.

Aos efectos deste baremo, os proxectos de investigación non competitivos non serán baremables.

Non se considerarán parte do equipo investigador o persoal contratado a cargo do proxecto nin as colaboracións puntuais no mesmo.

2.3.4.- Estadías formativas en centros de investigación nacionais ou estranxeiros:

0,05 puntos/mes completo.

Aos efectos deste proceso selectivo teñen a condición de centros de investigación os centros receptores nos que os profesionais desenvolvan actividades de investigación, trátense de centros do SNS, Universidade, Organismos Públicos de Investigación (OPIS) e, en xeral, calquera centro de investigación dependente da Administración Pública española ou estranxeira, que contén con grupos de investigación de traxectoria acreditada en biomedicina e ciencias da saúde.

As estadías clínicas para a mellora de habilidades ou a aprendizaxe de técnicas innovadoras que consten debidamente acreditadas consonte o sistema acreditador da formación continuada do Sistema Nacional de Saúde serán obxecto de valoración na epígrafe de formación continuada.

2.3.5.- Patentes:

- Solicitada e aceptada: 1 punto.
- En explotación: 2 puntos.